



დმანისის მუნიციპალიტეტის საკრებულო განკარგულება



განკარგულება:გ-109. 109223424

თარიღი:08/12/2022

დმანისის მუნიციპალიტეტში პროფესიული განათლების განვითარების ხელშეწყობის მიზნით, პროფესიულ სტუდენტთა ხელშეწყობის ქვეპროგრამის განხორციელების წესის და პირობების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 და მე-16 მუხლის მე-4 ნაწილის საფუძველზე დმანისის მუნიციპალიტეტის საკრებულომ

გადაწყვიტა:

1. დამტკიცდეს „დმანისის მუნიციპალიტეტში პროფესიული განვითარების ხელშეწყობის მიზნით პროფესიული სტუდენტების სწავლის დაფინანსების ქვეპროგრამის განხორციელების წესი და პირობები“ დანართი N1-ის შესაბამისად;
2. განკარგულება ძალაშია 2023 წლის 1 იანვრიდან;
3. განკარგულება შეიძლება გასაჩივრდეს კანონით დადგენილი წესით, გაცნობიდან ერთი თვის ვადაში ბოლნისის რაიონულ სასამართლოში (ქ. ბოლნისი, სულხან-საბას ქ. N113).

პაატა ყულიაშვილი

დმანისის მუნიციპალიტეტის საკრებულო-საკრებულოს
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



დმანისის მუნიციპალიტეტში პროფესიული განათლების განვითარების ხელშეწყობის მიზნით, პროფესიულ სტუდენტთა ხელშეწყობის ქვეპროგრამის განხორციელების წესი და პირობები

მუხლი 1. ზოგადი დებულებები

1.1 ეს წესი განსაზღვრავს დმანისის მუნიციპალიტეტში რეგისტრირებული, მუდმივად მაცხოვრებელი პროფესიული სტუდენტების სწავლის დაფინანსების და დმანისის მუნიციპალიტეტის ადგილობრივი ბიუჯეტიდან დაფინანსების გაცემის პირობებს.

1.2 ქვეპროგრამის მიზანია:

- პროფესიული განათლების ხელშეწყობა;
- პროფესიული განათლების ხელმისაწვდომობის ზრდა;
- პროფესიული სტუდენტების, დმანისის მუნიციპალიტეტში სოფლის მეურნეობის პრიორიტეტულ სფეროებში მომზადება;
- სწავლაზე ორიენტირებული, მოტივირებული, პროფესიული სტუდენტების წახალისებას სწავლის დაფინანსების გზით.

1.3 ქვეპროგრამის განმახორციელებელია დმანისის მუნიციპალიტეტის მერიის განათლების, კულტურის, სპორტისა და ახალგაზრდობის საქმეთა სამსახური.

1.4 დაფინანსება ხორციელდება დმანისის მუნიციპალიტეტის ბიუჯეტით გათვალისწინებული ქვეპროგრამის „პროფესიულ სტუდენტთა ხელშეწყობა“ (040202) ფარგლებში.

მუხლი 2. პროფესიული სტუდენტების სწავლის დაფინანსების კრიტერიუმები, პირობები და გაცემის წესი:

2.1 პროფესიული სწავლების დაფინანსება შეიძლება გაიცეს სტუდენტზე, რომელიც აკმაყოფილებს შემდეგ კრიტერიუმებს:

ა) არის საქართველოს მოქალაქე;

ბ) რეგისტრირებულია და მუდმივი მაცხოვრებელია დმანისის მუნიციპალიტეტის ტერიტორიაზე;

გ) პირი, რომელიც „პროფესიული განათლების შესახებ“ საქართველოს კანონის თანახმად ჩაირიცხა და სწავლობს დმანისის მუნიციპალიტეტის სოფელ სარკინეთში არსებულ შვეიცარიულ-აგრარულ სკოლა „კავკასიაში“ პროფესიულ საგანმანათლებლო პროგრამაზე;

2.2. პროფესიული სტუდენტის სწავლის დაფინანსების გაცემა:

ა) პროფესიული სასწავლებლის სტუდენტს, რომლის სასწავლებელში ჩარიცხვა დასტურდება შესაბამისი ცნობით, სასწავლო წლის გადასახადი დაუფინანსდება სწავლის წლიური ღირებულების 50 % - ის ოდენობით;

ბ) პროფესიული სასწავლებლის სტუდენტს, რომლის სასწავლებელში ჩარიცხვა დასტურდება შესაბამისი ცნობით, სასწავლო წლის გადასახადი დაუფინანსდება გადახდის წესის შესაბამისად, სემესტრულად.

გ) ანაზღაურება მოხდება უნაღდო ანგარიშსწორების ფორმით, სტუდენტის მიერ წარმოდგენილ სასწავლებლის შესაბამის ანგარიშზე დარიცხვით.

დ) დაფინანსება გაიცემა დმანისის მუნიციპალიტეტის მერის ბრძანებით, მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის დასკვნის საფუძველზე.

მუხლი 3. პროფესიული სწავლების დაფინანსების მისაღებად სტუდენტთა მიერ წარმოსადგენი დოკუმენტაცია

ამ წესის მე-2 მუხლით გათვალისწინებული სწავლის დაფინანსების მისაღებად ყოველი ახალი სასწავლო სემესტრის დასაწყისში სტუდენტებმა მერიაში უნდა წარადგინონ:

ა) განცხადება;

ბ) პირადობის დამადასტურებელი დოკუმენტის ასლი;

გ) დმანისის მუნიციპალიტეტში რეგისტრაციის დამადასტურებელი დოკუმენტი;

დ) ფაქტიურად ცხოვრების დამადასტურებელი დოკუმენტი;

ე) ცნობა (დედანი) აკრედიტირებული პროფესიული სასწავლებლიდან (შვეიცარიულ-აგრარული სკოლა „კავკასია“) აქტიური სტუდენტის სტატუსის შესახებ, სასწავლო კურსისა და სემესტრის მითითებით;

ვ) პროფესიული სასწავლებლის ანგარიშის საბანკო რეკვიზიტები .